



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. Nam concupiscentiam 4.

[urn:nbn:de:hbz:466:1-62169](#)

minimè debeamus. Ergo S. Pont. & Imperator cùm se sponte subjecerint Canonibus & legibus, ex coulensu suo & tacito quodam pacto alligantur. Nec mirum, si summus Princeps iuris submittat, cùm & superior Judex iurisdictioni inferioris se subjicere possit absque vitio, l. E&t; receptionis 14 D. De iurisdicti. Quare æternà dignus est laude Imperator modernus Rudolphus II. qui cùm simplicitate adiretur, ut sententiam in prætorio suo latram rescinderet, vel moderaretur, prudenter respondit, ut viderent Consiliarii sui, an & quantum posset de jure, eo ipso agnoscens se subiectum juri, uti habeo ex Assessori ejusdem prætorii.

Neque mover, quòd S. Pontifex vel Imperator cogi non possit: non enim hoc arguit cum liberum esse à juris nexu, cùm ne quidem ad jus divinum vel naturale, cui tamen omnino subiectus est, à se vel ab alio cogi possit, nisi velit.

Ex quibus s̄p̄ius apud me constitutum est,

S. Pontificem Canonibus, ut & Imperatorem legibus civilibus, saltem ex consensu suo subiectum esse: exceptis tamen casibus, qui arbitrio suo à jure sibi relikti sunt; ut sunt contra legem novam, ubi Respubl. postulat, l. 1. & l. 2. D. De constitut. c. Non debent 8 i. p. inf. De consanguinit. & affinit. & c. 1 hoc sit in 6. Item remittere delinquenti p̄enam publicam, vel gratiam alicui facere, ne lege aliquā tenetur, d. l. 2 & l. 3. Rescripta De precib. Imp. offer. cap. Innocuit 2. o. inf. De elect. & c. Postulaſti 4. inf. De concess. probanda. Item leviter alteri præjudicare, ut in specie l. 2. & l. 4. C. d. tit. & in l. 2. 5 si quis à Principe D. Ne quid in loco publico: non autem graviter, l. Nec avus 4. C. De emancipat liber & l. Meminerint 6. C. Vnde vi; ubi hæc rario redditur, ne inde injuriarum nascatur occasio, unde jura nascentur. Planè ex necessaria vel justa causa potest Princeps alteri auferre rem suam, sed restituiri reiprecio, l. 1. C. In quibus causis: servi & l. Venditor 13. S. i. D. communia prædior.

In Cap. Nam concupiscentiam 4.

S U M M A R I A.

1. Transgressio legis humanae an peccatum continent.
2. Sententia negans Audiu. v.
3. Qualitates requisita ad hoc, ut subditos obliget lex.
4. Promulgata sit oportet; & quando ex tunc obligare incipiat.
5. Constitutiones Pontificum an sufficiat Roma promulgatas esse.

EX hoc Cap quidam effici putant, quòd transgressio legis humanae peccatum continet, hoc est, quod is, qui contra legem facit, incurrit peccatum: sed minus verum est, cùm hæc potius sit eius sententia, quod lex ideo bona sit, quia per prohibitionem suam omnia mala, quæ inde sequi possunt, prohibeat: veluti: cùm simpliciter prohibet concupiscentiam, censetur eo ipso interdicere omnium rerum concupiscentiam. Item & illorum sententia defendi fortasse potest, qui existimant, transgressionem legis esse peccatum, sicut communiter à Theologis & Canonistis assertur, non tantum quoad leges divinas, verum etiam quoad humanas, teste Navarro, in Manuali cap. 2. 3. nu. 48. Quam videtur confirmare Apostolus, Rom. 13. Omnis anima, inquietus, potestatibus sublimioribus subditus sit: non est enim potestas nisi à Deo: que sunt autem à Deo, ordinata sunt. itaque qui resistit potestati, Dei ordinationi resistit. Hæc D. Paulus.

2. Verum hæc sententia omnino mihi non pre-

batur, quippe cùm videam alienationem dotis, & renuntiationem hæreditatis paternæ, improbatas esse à Jure civili, l. unica § & cùm lex C. De rei uxoria ad. tit. Infit. in princ. Quibus alien lic. & l. 3. C. De collationib. & tamen confirmantur iuramento, cap. Cùm contingat 2. 8. inf. De jurejur. & cap. 2. eod. tit. lib. 6. c. 2. De pactis in 6. At si illa prohibitio alienationis dotis vel renuntiationis hæreditatis paternæ peccatum contineret, non posset confirmari iuramento, propter iuris regulam, non est obligatorium contra bonos mores præstirum iuramentum, c. Non est obligatorium. De R. I. in 6. cap. Quando 18. De jurejur. & Auth. Quod est C. De nuptiis. Neque enim probabile mihi videtur, Principem sacerularem ligare posse aut velle conscientias subditorum sacerorum ex transgressione legis suæ, nisi ubi contineatur eius auctoritas, iuxta illud, quod antet ex D. Paulo recitavimus, aut scandalum orriatur proximo ex legis transgressione, aut lex concurrat cum legi divina vel naturali. Quibus casibus magis est ligari conscientias transgressorum: ac propterea quoad leges ecclesiasticas proprius crediderim in transgressione eorum peccatum admitti, quòd ecclesiasticis superioribus ius & potestas sit in animas nostras, cap. 2. & 4. inf. De majorit. & obed. Nolim tamen huic meæ sententiae de legibus civilibus vel sacer-

cula-

cularibus mordicus adhærere ; verum sufficit eam obiter indicasse ; ideoque legendos censeo hac de re D. Thomam i. 2. quæst. 96 art. 5. Didac. Covarr. in cap. Peccatum p. 2. q. 5. n. 2. cumseq. Navar d. n. 48. & Azorium In his Moral. lib. 5. De le- gibus cap. 6.

³ Cæterum ut lex vel constitutio obliget subditos, necesse est eas habeat qualitates, quas ex Iñidoro recenset Gratianus can. Erit autem Dis. 4. & D. Thom. in 1. 2. q. 96. art. 3. Erit autem lex, inquit Iñidorus, honesta, iusta, possibilis, secundum naturam, secundum patria consuetudinem loco temporique convniens, manifesta, &c. Ubi per naturam & patriæ consuetudinem intelligit, ut non sufficiat, legem esse honestam, iustum, & possibilem, simpliciter in se spectando legem ; sed & accommodaram naturæ ac moribus esse oportet. Alioquin impunit lex non recipitur, cum non obliget, antequam usu sit recepta, can. Leges cum can seq. ead. Dis. 4. ut infrâ latius confirmabo.

⁴ Præter has qualitates requiritur, ut & lex publicè promulgetur, & tempus statutum ad obligandum efflaxerit ; nam autem non inducit obligationem, can. In istis §. leges d. Dis. 4. Panor. in cap. 1. n. 9 inf. De postulat. Prælat. Nayar. in Manuali c. 23. num. 40. Et probat textus apertus in Novell. 66. Ut facta nova constitutiones &c. quod lex non autem liget subditos, quam post duos menses à tempore promulgationis facta in provincia. Et licet hæc Novella loquatur de constitutionibus novis testamento concernentibus, tamen idem exaudiendum esse de qualibet constitutione nova, recte tradit ibidem Glos. propter generalem Tit. inscriptionem, sub his verbis, Ut facta nova constitutiones post earum insinuationes post duos menses valeant : & ibi quoque notat Bart & Cuiac. Quod indubitatum est de Constitutionibus Imperatorum.

⁵ At quæstio est, an idem obtineat in Constitutionibus summorum Pontificum, ut earum promulgatio, antequam obligent, in singulis provinciis necessariò requiratur? Quod certè videtur, propter regulam generalem, receperam ab omnibus Doctoribus, quod ubi aliquid definitum est à iure civili, quod decisum non exstat in iure Canonico, tunc in subsidium recurrit ad ius civile, & è converso, per text. in cap. 1. De novi operis nuntiat. cuius & sup. ad cap. 1. meminimus: sed de Constitutionibus summorum Pont. nihil eiusmodi in iure Canonico exstat,

ergo eadem promulgatio in singulis provinciis, idemque fluxus duorum mensum, priusquam obligent, exigitur. Nisi quid repererim Pium IV. in Constitutione sua super declaratio temporis ad observanda tempora Concilii Tridentini, disertè dixisse, novas constitutiones non nisi post certum tempus vim suam habere, idque iure communis ita cautum esse. Quibus verbis haud dubie intelligit ius commune ind. l. Novel. 66. cuius etiam sententia recententur multi D.D. a Decio, in cap. 2. num. 44. & Felino ibid. num. 7.

Et contra sunt, qui aliter sentiunt, videlicet sufficiere Constitutionem summi Pontificis promulgari in Curia Romana, quos refert & sequitur Greg. de Valentia, Comment. Theol. tomo 2. 2. 1. part. 7 q. 5. De legge humana Punclo 5. Vers. Sed quanvis cumseq. Nam, inquit, quod attinet ad ecclesiasticam gubernationem, quæ videlicet in spiritualem finem refertur, tota Ecclesia censor est ea uia respublica sub uno Pastore Christi Vicario ; ergo sufficenter intelligitur lex ecclesiastica promulgari Romæ Secundò, additum absurdum sequi, quod multæ Decretales epistolæ Pontificiæ non obligarent in multis provinciis, quippe non promulgatae.

Verum hæ rationes si recte inspiciantur, non confirmant hanc sententiam ; quia non video, quare prior ratio etiam non conveniat Constitutionibus Imp. sub quo tamquam una republ. degunt omnes subditi sui, can. Cum ad verum, & can. Duo sunt Dis. 69. & tamen aliter staturum est de Constitutionibus Imperatoriis in d. Nov. 66. Deinde quod additum aburdo, sibi potius imputandum videtur, quod in defectum juris Canonici accessori ius civile voluerit, ind. c. 1. De novi operis nuntiat. Nihilominus qui priorem sententiam tenuerunt, illam limitant, nisi sit consuetudo in contrarium, ut apud eos videre est : & ratio est vis consuetudinis, quæ optimale- gum interpres dicitur, l. Si de interpretatione 37. D. De legib. & cap. Cum dicitus 8. inf. De consuetud. si- cut hodie abitatum videmus in Curia Romana.

Neque nos turbare debet, quod Constitutiones in Curia Romana publicatae hac ratione extendantur ad remotissimas quoque provincias Christianorum. Responderemus enim, non ideo tamen statim obligare, nisi etiam receptæ sint moribus subditorum in provinciis, ut antea probavi ex can. In istis §. leges & can. Statuimus Dis. 4. Ut vix interficit, Constitutiones S. Pon-

S. Pontificis Romæ promulgatae, etiam in provinciis publicentur, vel non publicentur, cùm, ut dixi, antè non obligent, quām usus subditorum sint comprobatae, vel omnium, vel pro majori parte aliquius populi vel universitatis. Dico, pro majori parte; nam quod sit à majori parte perinde est, ac si omnes egissent, l. Quod major 19. D. Ad municipal. Non quod constitutionum vel legum vis & auctoritas pendeat ex arbitrio subditorum, sed quod publicari videantur sub conditione, si recipiantur saltem à

majori parte. Ita Navar. in Manuali cap. 23. num. 41. ex sententia Dominici à Soto, aliorumque. Et rectè: nam cùm ante docuimus, ex can. Erat autem Dis. 4. ad inducendam legem non sufficeret, ut ea honesta, justa, possibilis sit, sed & accommodata naturæ sive moribus subditorum: sequitur eam à legislatore hac conditione ferri & promulgari, dummodò recipiatur à subditis; de quo argumento fubfimè Felinus in cap. 1. num. 6. vers. Lex nova cum num. seqq. inf. Detreuga & pace.

In Cap. Ecclesia

SUMMARIA.

1. *Facti species.*
2. *Laicis in personas & res Ecclesiasticas non est auctoritas.*
3. *Ab executione inchoari causa non potest.*
4. *Ecclesia & persona Ecclesiastica exempta à iurisdictione dominorum secularium.*
5. *Anidem locum habeat in Principe, qui superiorem non habet aut agnoscit.*
6. *Sententia negans probatur.*
7. *Princeps non potest quidquam statuere in favorem Ecclesiistarum vel rerum Ecclesiasticarum, precipiendo vel vetando.*
8. *Secus, si in vim privilegii quid constituat vel indulget.*
9. *Respondeatur ad contraria argumenta.*
10. *Intellexus can. Si tributum xi. q. 1. & can. Tributum xxii. q. 8.*

Celebris huius Decretalis decisio est. Cum enim Ecclesiaz S. Mariae in via lata Romæ prædia alienata fuissent in Monasterium S. Silvestri, & postea revocata propter statutum Basilii (hic Basilius fuit Præfector prætorio, & simul Præfector urbi Romæ, nomine Odoacris Regis Brutorum, qui, expulso Augustulo imperatore occupaverat Romam, & totam Italiam, sicut constat ex Baronio in Annal. ad annum 476. in princ. quo inhibebatur alienationem prædiorum, ornamentorum & Monasteriorum Ecclesiasticorum, ut videtur in can. 1. Dis. 96. ubi hoc statutum refertur, & improbatur. Unde aditus hac de re Innoc. III. S. Pont. mandat prædicta prædia ab Ecclesia S. Mariae antè alienata, & postea per Senatorem Romanum recuperata, restituiri eidem Monasterio, non convento, non confessio, non convi-

S. MARIAE 10.

to: neque alienationem ideo infirmam esse, quod Basilius eam inhibuerit statuto suo; rationem hanc reddens (quæ regula loco in principio huius Cap. præmittitur)* quod laicis, c. 2. tiam religiosis (id est piis) super Ecclesias & personis Ecclesiasticis nulla sit attributa facultas, quos obsequendi manet necessitas, non auctoritas imperandi: à quibus si quid motu proprio statutum fuerit, quod Ecclesiarum etiam respiciat commodum & favorem, nullius firmitatis existit, nisi ab Ecclesia fuerit approbatum. Ita textus noster. Rem si hoc pacto concipiamus, ut planè videtur, nulla erit difficultas in formanda facti specie, quam alii Interpp. involvunt simul cum cap. 3. & cap. 4. inf. Ut litependente &c. quæ alio spectant.

Sed ad rationem textus nostri redeamus, in qua versatur tota utilitas huius Decretalis: quamvis & aliam rationem hic subindicit Innoc. III. ob quam conveniat etiam testitui prædia, videlicet quod Monasterium, cùm ei prædia subtraheretur per Senatorem Romanum, non fuerit conventum, id est, non citatum, non confessum, vel non convictum; * sed statim ab executione, nullâ præcedente cognitione legitimâ, prædiis privatum fuerit, contral. 2. C. Si per vim vel alio modo &c. l. 1. C. De executi rei jud. l. Si cum nulla s. 8. D. Dere judic. &c. l. 11. quæ. 1. Quibus iuribus prohibetur causa inchoari ab executione; adeò ut ne quidem ex rescripto Principis id fieri possit, l. Sed ut si 4. cum l. seq. C. Si contra ius vel utilitatem publicæ &c. & l. 6. C. Unde vi; quia negotiorum merita, ut pulchritudinē d. l. 2. partium ad assertione panduntur.

Verum, reliktâ hac ratione, aliam consideremus, quæ maioris est momenti, eo quod generali quâdam regulâ eximat Ecclesias & perso-